



___/___/2021

Lutemi referoni këtë numër në përgjigje

VENDIM

Nr.29, date 30 /08/2021

PËR

PROJEKTIN E ZBATIMIT ME OBJEKT “REHABILITIM I DIGES SE SHKALLES”

Në mbështetje të Ligjit Nr. 8681, datë 02.11.2000 “Për Projektimin, Ndertimin, Shfrytëzimin dhe Mirembajtjen e Digave dhe Dambave” si dhe VKM Nr. 147, datë 18.03.2004 “Miratimin e Rregullores për Sigurinë e Digave dhe të Dambave”, Komiteti Kombëtar i Digave të Mëdha (KKDM), në mbledhjen e datës 30.08.2021 mori në shqyrtim Projektin e zbatimit për Rehabilitimin e Diges së Shkalles të hartuar nga firma konsulente GRAMA dhe e paraqitur nga Bashkia Durrës.

Gjatë shqyrtimit të dokumentacionit teknik të paraqitur u konstatua se:

- 1- **Raporti i përgjithshëm teknik** i projektit të zbatimit nuk plotësoni kërkesat ligjore të shprehur në VKM Nr. 147 si më poshtë:
 - a-**Mungonte verifikimi i qendrushmerisë së diges** (kërkese e pikës 1.1.9 nën 9 të VKM 147). Ky verifikim i shoqëruar me llogaritjet përkatëse të cilat mungojnë duhet të bëhet për gjendjen aktuale dhe për rastin pas rehabilitimit të diges.
 - b- **Mungonin të dhënat aktuale për vëllimin e ujit në ujembledhës sipas matjeve faktike** (në këtë ujembledhës nuk është bërë asnjë matje e volumit të ujit që prej 40 vitesh) dhe **kurbat e vëllimit dhe të sipërfaqes sipas matjeve faktike ku të jenë niveli i vdekur**, niveli normal, niveli maksimal si dhe koha e zbranzjes së ujembledhës.
 - c- **Të dhëna për hartimin e planit të alarmit** (kërkese e pikës 1.1.17 e nën 9 të VKM Nr. 147) për përballimin e pasojave që mund të vijne si rezultat i vales që krijohet në zonën poshtë diges në rastet kur shkarkohet plota maksimale, kur ka shkarkim i sforcuar dhe në rastin e prishjes së diges. Për këtë pikë, duhet të jepën edhe llogaritjet e vales vërsuese për rastet e mesiperme si dhe hartën e përmytjes.
- 2- **Studimi sizmik** mungon. Ky studim duhet të jetë pjesë e dokumentacionit teknik të projektit të zbatimit dhe të përfshijë analizën përkatëse të rrezikut sizmik (sipas hartave të vlerësimit të rrezikut sizmik të miratuar nga IGJEUM dhe KKDM). Në këtë studim duhet të kryhet vlerësimi i rrezikut sizmik të zonës (i kërkuar tek pika 1.4.4 e nën 9 të VKM Nr. 147)
- 3- **Studimi mbi instrumentat e kontrollit dhe matjeve** (e kërkuar tek pika 1.8 e nën 9 të VKM Nr. 147) **mungon**. Projekti nuk ka parashikuar instalimin e asnjë instrumenti për sistemet e kontrollit dhe monitorimit të kerkuara nga standartet dhe VKM përkatëse



4- **Projekti I zbatimit i paraqitur prane KKDM per shqyrtim eshte hartuar ne vitin 2018** gje e cila tregon se pervec te tjerave, ky project nuk ka marre ne konsiderate perkeqesimin e situates ne trupin e diges ne tre vitet e fundit.

- 5- Projekti I zbatimit nuk eshte I shoqeruar me ndonje raport teknik nga nje studio konsulente e licencuar sic kerkohet ne nenin 10 te VKM Nr. 147 si dhe nga Bashkia Durres si shfrytëzues i kësaj dige,

Per sa me sipër, Komiteti Kombëtar i Digave të Mëdha,

VENDOSI:

- 1- Të Mos Miratojë Projektin e Zbatimit të paraqitur nga Bashkia Durres për "Rehabilitimin e Diges së Shkalles" për arsye të mosplotësimit të kërkesave të VKM Nr. 147, datë 18.03.2004 "Miratimin e Rregullores për Sigurinë e Digave dhe të Dambave", Nenit 9,10 dhe 13
- 2- Ti kerkoj Bashkise Durres si shfrytëzues i digës dhe nënobjekteve të saj:
 - o Plotesimin e kërkesave të mesiperme dhe Rishikimin e Projektit të zbatimit për Rehabilitimin e kësaj dige në funksion të gjendjes aktuale të diges dhe të volumit aktual të ujit në rezervuarin e krijuar prej saj.
 - o Kryerjen e Verifikimit të qendrueshmerise se diges në gjendjen aktuale dhe pas rehabilitimit të parashikuar
 - o Kryerjen e studimit sizmik dhe studimit për instrumentat e kontrollit të diges sipas legjislacionit në fuqi dhe udhëzimeve të KKDM
 - o Kryerjen e matjeve të volumit aktuale të ujit në rezervuarin e krijuar nga diga e Shkalles dhe përgatitjen e kurbave të volumit dhe të sipërfaqes së ujit në rezervuar.
 - o Plotesimin e dokumentacionit teknik të projektit sipas komenteve të KKDM të dhena me sipër dhe legjislacionit në fuqi duke përfshirë studimet e mesiperme si dhe llogaritjen e vales shkaterruese të ujit si dhe hartat e permbytjeve në rast të ndonjë prishje të mundshme të diges
 - o Shoqerimin e projektit të zbatimit me një raport të hartuar dhe të firmosur nga një studio keshillimi e licencuar me eksperience në fushën e projektimit ose nga një institucion shtetëror i caktuar me ligj për kryerjen e ketyre raporteve
 - o Marrjen e masave për një monitorim të vazhdueshëm të gjendjes dhe sigurisë së diges si dhe hartimin e planit të gadishmerise në rastet e emergjencave civile të kërkuar nga legjislacioni në fuqi.

Ngarkohet Sekretariati Kombëtar i Digave të mëdha (SKDM) si zyrë ekzekutive e KKDM për zbatimin e këtij Vendimi në përputhje me legjislacionin në fuqi.

Ky Vendim hyn në fuqi menjëherë.

KOMITETI KOMBËTAR I DIGAVE TË MËDHA

KRYETARI

Arjan JOVANI